

Broj: 03-02-137/2023
Sarajevo, 16.01.2025. godine

VRLO HITNO

**PARLAMENT FEDERACIJE
BOSNE I HERCEGOVINE**

- Predstavnički dom -
gosp. Dragan Mioković, predsjedavajući
- Dom naroda -
gosp. Tomislav Martinović, predsjedavajući

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno:		16-01-2025	
Org. jed.	Broj	Priloga	Vrijednost
01,02	-02-	1892	122

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama člana 185. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08, 26/20 i 13/24) i člana 177. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09, 24/20 i 60/24), u prilogu Vam dostavljam **AMANDMAN NA PRIJEDLOG ZAKONA O JEDINSTVENIM NAČELIMA I OKVIRU MATERIJALNE PODRŠKE OSOBA SA INVALIDITETOM**, koji je utvrdila Vlada Federacije Bosne i Hercegovine na 162. hitnoj sjednici, održanoj 16.01.2025. godine.

Amandman Vlade Federacije Bosne i Hercegovine postaje sastavni dio Prijedloga zakona o jedinstvenim načelima i okviru materijalne podrške osoba sa invaliditetom, koji sam u parlamentarnu proceduru, radi razmatranja i usvajanja, dostavio aktom broj: 03-02-1095/2022 (sur. 03-02-137/2023) od 07.03.2024. godine.

S poštovanjem,



Prilog: kao u tekstu

Co: **FEDERALNO MINISTARSTVO RADA I SOCIJALNE POLITIKE**
gosp. Adnan Delić, ministar

Na osnovu člana 73. stav (4) Poslovnika o radu Vlade Federacije BiH – prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), Vlada Federacije Bosne i Hercegovine je na 162. hitnoj sjednici, održanoj 16.01.2025. godine, utvrdila

AMANDMAN
NA PRIJEDLOG ZAKONA O JEDINSTVENIM NAČELIMA I OKVIRU MATERIJALNE
PODRŠKE OSOBA SA INVALIDITETOM

AMANDMAN

Član 24. (Utvrđivanje osnovice za obračun novčanih naknada) mijenja se i glasi:

„Član 24.
(Utvrđivanje osnovice za obračun novčanih naknada)

Osnovica za određivanje mjesečnih novčanih naknada, prema ovom Zakonu, utvrđuje se u iznosu 50% od osnovice utvrđene federalnim propisima o pravima boraca i članova njihovih porodica.“

Član 25. (Usklađivanje osnovice) mijenja se i glasi:

„Član 25.
(Usklađivanje osnovice)

Osnovica za osobe sa invaliditetom propisana ovim zakonom usklađuje se sa kretanjem osnovice korisnika prava o pravima boraca i članova njihovih porodica, po federalnim propisima.“

Obrazloženje

Obzirom da civilne osobe sa invaliditetom trenutno ostvaruju prava na ličnu invalidninu, tuđu njegu i pomoć, te ortopedski dodatak prema Zakonu o osnovama socijalne zaštite, zaštite civilnih žrtava rata i zaštite porodice sa djecom Federacije Bosne i Hercegovine, a po kojem su pravo ostvarivale i civilne žrtve rata do 2023. godine, potrebno je da se kreiranjem novog krovnog zakona za civilne osobe sa invaliditetom (Zakona o jedinstvenim načelima i okviru materijalne podrške osobama sa invaliditetom u Federaciji Bosne i Hercegovine), uvođenjem istog načina regulisanja osnovice i usklađivanja

osnovice ostavi minimum usklađenosti prava između ove 3 (tri) kategorije osoba s invaliditetom.

Trenutna osnovica osobama sa invaliditetom je 80% minimalne plate u Federaciji BiH i iznosi 495,20 KM.

Predložena osnovica od 50% od osnovice utvrđene federalnim propisima o pravima boraca i članova njihovih porodica bi iznosila 503,95 KM (iznos osnovice boraca trenutno je 1007, 89 KM), što bi bilo uvećanje od 1,767 %.

Predložena osnovica od 50% od osnovice utvrđene federalnim propisima o pravima boraca i članova njihovih porodica bi iznosila 503,95 KM (iznos osnovice boraca trenutno je 1007, 89 KM), što bi bilo uvećanje od 1,767 %.

Iznos osnovice civilnih žrtava rata je 70% od osnovice utvrđene federalnim propisima o pravima boraca i članova njihovih porodica i iznosi 705,52 KM.

Na taj način bi se uskladila sva primanja istovremeno i po istim pravilima za ove 3 (tri) kategorije osoba s invaliditetom.

Razlika između trenutne osnovice 495,20 KM i predložene 503,95 KM je povećana za 8,75 KM i u Budžetu Federacije BiH bi bilo potrebno obezbijediti na godišnjem nivou iznos od cca. 5.000.000,00 KM (pet miliona KM).

V. broj: 7 /2025
16.01.2025. godine
Sarajevo

